



DEPUTACIÓN PROVINCIAL
A CORUÑA

Servizo de Acción Social, Cultural e Deportes

Expediente: 2025000033950

Convocatoria: 2026 PREM-LK

RESOLUCIÓN POLA QUE SE APROBAN AS BASES E A CONVOCATORIA DA 20ª EDICIÓN DO PREMIO INTERNACIONAL “LUÍS KSADO” DE CREACIÓN FOTOGRÁFICA DO ANO 2026

Despois de ver os informes do servizo de Acción Social, Cultural e Deportes, da Secretaria Xeral e do servizo de Fiscalización

Don **VALENTÍN GONZÁLEZ FORMOSO**, Presidente da Deputación Provincial da Coruña,

RESOLVO:

Primeiro.- Aprobar as Bases reguladoras da 20ª Edición do Premio internacional “Luís Ksado” de creación fotográfica, cuxo texto se transcribe no anexo.

Segundo.- Publicar as presentes bases reguladoras no Boletín Oficial da Provincia.

Terceiro- Aprobar a convocatoria da 20ª Edición do Premio internacional “Luís Ksado” de creación fotográfica, de conformidade coas bases reguladoras que figuran no Anexo – Bases Reguladoras.

O prazo de solicitude iniciárase o día 10 de febreiro de 2026, e finalizará o día 29 de maio de 2026.

Cuarto.- Remitir esta resolución, así como o extracto da convocatoria conforme ao Anexo - Extracto da convocatoria, á Base de Datos Nacional de Subvencións (BDNS), para a súa publicación a través do Sistema Nacional de Publicidad de Subvenciones y Ayudas Públicas, de conformidade co previsto nos artigos 17.3.b e 20.8.a da Lei 38/2003, de 17 de novembro, xeral de subvencións.

Quinto.- Aprobar o orzamento dos gastos derivados da convocatoria, que ascenden a un total de 13.000 €, de acordo co seguinte detalle:

Concepto	Aplicación orzamentaria	Documento contable RC	Importe
Premio	0612/3341/481	220259000647	6.500€
Honorarios do xurado, fixados de acordo co establecido na Base 30ª.4 das Bases de Execución do Orzamento para o ano 2025.	0612/3341/22609	220259000648	4.000€ (800€ x 5)
Indemnizacións por cesión de obra para exposición			2.500€ (500,00€ X 5)



DEPUTACIÓN PROVINCIAL
A CORUÑA

Servizo de Acción Social, Cultural e Deportes

Expediente: 2025000033950

Convocatoria: 2026 PREM-LK

	TOTAL	13.000,00 €
--	-------	-------------

De acordo con o establecido no art. 174.1 do Real Decreto Legislativo 2/2004, do 5 de marzo, polo que se aproba o Texto Refundido da Lei Reguladora das Facendas Locais, *“A autorización ou realización dos gastos de carácter plurianual subordinarase ao crédito que para cada exercicio autoricen os respectivos orzamentos.”*

O financiamento quedará supeditado á existencia de crédito adecuado e suficiente no exercicio 2026. Noutro caso sería de aplicación o establecido no 173.5 do TRLRHL, *“non poderán adquirirse compromisos de gastos por contía superior ao importe dos créditos autorizados nos estados de gastos, sendo nulos de pleno dereito os acordos, resolucións e actos administrativos que infrinxan a expresada norma, sen prexuízo das responsabilidades a que haxa lugar”*.

Así mesmo, queda condicionada ao cumprimento dos obxectivos de estabilidade orzamentaria para o próximo exercicio, de acordo coa normativa vixente no momento.

Contra a presente resolución, que pon fin á vía administrativa, pódese interpor, alternativamente, recurso de reposición potestativo, no prazo dun mes perante o mesmo órgano que ditou o acto, ou recurso contencioso-administrativo, perante o Xulgado do Contencioso Administrativo da Coruña no prazo de dous meses, a partir do día seguinte a aquel no que teña lugar a notificación. Se se optara por interpor o recurso de reposición potestativo non se poderá interpor recurso contencioso administrativo ata que aquel sexa resolto expresamente ou se produza a súa desestimación por silencio.

Todo isto, sen prexuízo de que se poida exercitar calquera outro recurso que se estime pertinente.



DEPUTACIÓN PROVINCIAL
A CORUÑA

Servizo de Acción Social, Cultural e Deportes

Expediente: 2025000033950

Convocatoria: 2026 PREM-LK

20ª Edición do Premio internacional “Luís Ksado” de creación fotográfica do ano 2026

BASES

Primeira.- Obxecto

Tendo en conta a significación especial que posúe dende hai tempo a nosa provincia na difusión das artes da imaxe e especialmente da fotografía, e coa finalidade de contribuír á conservación da memoria de personaxes tan representativas neste campo como foi Luís Ksado, a Deputación da Coruña convoca o Premio internacional “Luís Ksado” de creación fotográfica do ano 2026.

Segunda.- Persoas destinatarias

Poderán participar todas as persoas maiores de idade, interesadas no campo da fotografía, que non fosen premiadas con este premio nalgunha edición anterior e que presenten obras non premiadas en ningún outro premio ou certame.

A orixinalidade da obra e a súa autoría xustificárase mediante unha declaración responsable na que se manifeste ser a persoa autora e titular de todos os dereitos.

En consecuencia, a Deputación Provincial da Coruña non se fará responsable das posibles denuncias por plaxio ou eventualidade similar que poidan xurdir, polo que recaerá na persoa participante afectada as accións legais que procedan e asumirá, se é o caso, as indemnizacións que poidan corresponder polos prexuízos ocasionados a particulares ou á organización.

As persoas participantes terán a obriga de comunicar á Deputación a concesión de calquera premio que obteña a obra presentada, no momento en que esta situación se produza, o que dará lugar á súa exclusión do premio.

Terceira.- Dotación

Establécese un premio único dotado con 6.500,00 €, que poderá quedar deserto ou ser concedido con carácter ex aequo. Neste caso, o seu importe repartirase proporcionalmente entre as persoas que resulten premiadas.

O pago do premio realizarase previa retención do 15%, do imposto sobre a renda das persoas físicas (IRPF).

O premio non poderá concederse a título póstumo, sen prexuízo dos dereitos de sucesión que poidan exercerse se a persoa premiada falecese despois da decisión do xurado.



DEPUTACIÓN PROVINCIAL
A CORUÑA

Servizo de Acción Social, Cultural e Deportes

Expediente: 2025000033950

Convocatoria: 2026 PREM-LK

A Deputación poderá publicar un catálogo coas obras seleccionadas e, previo acordo coas persoas autoras, poderá publicar ou expoñer, aquelas obras que non fosen premiadas e que o xurado considere de calidade.

As persoas cuxas obras sexan incluídas na publicación recibirán cinco exemplares do catálogo.

Cuarta.- Prazo

O prazo de presentación de solicitudes iniciárase o día 10 de febreiro de 2026 e rematará o día 29 de maio de 2026, logo da publicación do extracto da convocatoria deste premio no BOP da Coruña, a través da Base de Datos Nacional de Subvencións.

Quinta.- Envío da obra e documentación

Para garantir o anonimato das solicitudes, a presentación realizarase baixo o sistema de PLICA coa presentación dun sobre pechado, a portes pagados, que indique no exterior o título do Premio internacional “Luís Ksado” de creación fotográfica, ao seguinte enderezo:

Deputación provincial da Coruña
Avenida Porto da Coruña 2
15003 A Coruña

Dentro deste sobre principal incluíranse dous sobres (sobre A para a colección de fotografías e sobre B para a documentación). Ambos sobres indicarán o seguinte no exterior:

- Premio internacional “Luís Ksado” de creación fotográfica
- Título da obra
- Un lema ou pseudónimo

Sobre A – Colección de fotografías

Incorporará a colección de fotografías, que deberá compoñerse dun mínimo de seis e un máximo de doce, en formato de 30 x 40 cm. As copias deberán entregarse sen ningún tipo e montaxe ou enmarcado, en cor ou branco e negro e inscribíranse no campo do fotodocumentalismo, fotoperiodismo ou reportaxe en xeral.

As fotografías deberán levar no dorso o título da serie, ou un lema, e o número de orde que teña cada unha delas dentro da serie.

Non serán admitidas imaxes de montaxes, nin de manipulación dixital nin o uso da intelixencia artificial.

Sobre B – Documentación



DEPUTACIÓN PROVINCIAL
A CORUÑA

Servizo de Acción Social, Cultural e Deportes

Expediente: 2025000033950

Convocatoria: 2026 PREM-LK

Incorporará os seguintes documentos:

- Copia do documento de identidade
- Datos de contacto: enderezo, teléfono de contacto, correo electrónico
- Breve currículo
- Documento co seguinte contido:
 - Declaración responsable de que a persoa autora é titular de todos os dereitos e que a obra non foi premiada, até a data de presentación, en ningún outro certame ou premio
 - Cesión non exclusiva, gratuíta e intransmisible á Deputación da Coruña, dos dereitos de reprodución, distribución, comunicación pública en todas as súas modalidades, incluída a de posta a disposición da obra (título da obra) para os efectos seguintes:
 - Exposición ou exhibición no lugar que estime oportuno dentro da itinerancia programada das obras seleccionadas no Premio internacional “Luís Ksado” de creación fotográfica
 - Reprodución total ou parcial da obra e a súa inclusión no catálogo das obras seleccionadas polo xurado

Sexta.- Xurado

O xurado estará presidido pola Deputada de Cultura, quen actuará con voz e sen voto e formarán parte del cinco persoas de recoñecido prestixio no ámbito da fotografía, nomeadas por ela.

As funcións de secretaría exerceraas a Secretaría da Corporación ou a persoa funcionaria en quen delegue.

Para o nomeamento do xurado respectarase a presenza equilibrada de mulleres e homes, en cumprimento do disposto no artigo 70 da Lei 7/2023, do 30 de novembro, para a igualdade efectiva de mulleres e homes de Galicia.

As persoas que integren o xurado estarán sometidas ao deber de abstención nos casos sinalados no artigo 23 da Lei 40/2015, de 1 de outubro, de réxime xurídico do sector público.

A composición dos xurados daranse a coñecer, con anterioridade á súa reunión, no taboleiro de anuncios da sede electrónica co fin de que se poidan interpor, se é o caso, os recursos legais pertinentes.

Aplicarase o disposto na Lei 40/2015, do 1 de outubro, de réxime xurídico do sector público (LRXSP), Título preliminar, Capítulo II, Sección 3ª: Órganos colexiados das distintas administracións públicas”, artigos 15 a 18, no que se refire tanto á validez da súa constitución, como á actuación do xurado.



DEPUTACIÓN PROVINCIAL
A CORUÑA

Servizo de Acción Social, Cultural e Deportes

Expediente: 2025000033950

Convocatoria: 2026 PREM-LK

As deliberacións serán secretas e delas serán estendidas as actas correspondentes.

Sétima.- Concesión, selección para a exposición e pago

Concesión e pago

A proposta de concesión que formule o xurado será obxecto da resolución da Presidencia, que resolverá a súa aprobación, previo informe do Servizo de Acción Social, Cultural e Deportes e do Servizo de Fiscalización.

Non poderán obter a condición de persoa beneficiara aquelas persoas que teñan a residencia fiscal nun país ou territorio cualificado regulamentariamente como paraíso fiscal, de conformidade co disposto no artigo 13.f) da Lei 38/2003, de 17 de novembro, Xeral de Subvencións.

Para a concesión e o cobro, tanto do premio como da indemnización pola participación na exposición itinerante, deberán presentar a seguinte documentación:

Residencia española:

- Certificacións das administracións tributarias correspondentes e da Tesourería da Seguridade Social nas que se acredite que a persoa está ao corrente nas súas obrigas tributarias e coa Seguridade Social
Poderá omitirse a presentación desta documentación sempre que envíe un documento autorizando expresamente á Deputación provincial da Coruña ás consultas tributarias e non se opoña á consulta de datos da Seguridade Social
- Comunicación de alta de datos bancarios para o rexistro de terceiros, que figura no apartado de impresos oficiais da páxina web da Deputación provincial da Coruña
- Certificación da titularidade de conta, expedida pola entidade bancaria

Outra residencia:

- Copia do pasaporte
- Certificado de residencia fiscal emitido polo organismo oficial do seu país
- Declaración de non ter establecemento permanente en España, no seu caso
- Certificación de titularidade de conta bancaria, na que figure o código SWIFT/BIC

A presentación desta documentación farase preferentemente por medios electrónicos a través do modelo "solicitud xeral" dispoñible na sede electrónica da Deputación da Coruña. Tamén poderá presentala en calquera dos lugares e rexistros establecidos na normativa reguladora do procedemento administrativo común.

A resolución de concesión será dada a coñecer a través do Boletín Oficial da Provincia.



DEPUTACIÓN PROVINCIAL
A CORUÑA

Servizo de Acción Social, Cultural e Deportes

Expediente: 2025000033950

Convocatoria: 2026 PREM-LK

A concesión e pago do premio será publicado na Base de Datos Nacional de Subvencións (BDNS).

As obras non premiadas serán devoltas ás persoas autoras, despois da decisión do xurado. Para estes efectos o día seguinte ao da publicación da decisión do xurado abriranse todas as plicas e devolveranse as obras non seleccionadas.

Selección para a exposición

O xurado poderá realizar unha selección entre as obras non premiadas, para a súa inclusión nunha exposición, que será itinerada por municipios da provincia; para esta exposición será editado o correspondente catálogo, do que se entregarán cinco exemplares a cada unha das persoas autoras presentes na exposición.

Neste caso, cada persoa que resulte seleccionada recibirá unha cantidade única de 500,00€ ,en concepto de indemnización pola cesión temporal das obras.

Oitava.- Obrigas

Os titulares das obras presentadas, a través da aceptación das bases deste premio, outorgan unha cesión non exclusiva, gratuíta e intransmisible á Deputación da Coruña, nos termos do artigo 50 da Lei de propiedade intelectual, o Real decreto legislativo 1/1996, do 12 de abril.

Os dereitos cedidos son os de reprodución, distribución, comunicación pública en todas as súas modalidades, incluída a de posta a disposición.

Os titulares das obras presentadas aceptan a inclusión das que poda seleccionar o xurado no catálogo e na exposición itinerante.

Novena.- Protección de datos

Os datos facilitados serán tratados pola Deputación da Coruña coa finalidade de tramitar esta convocatoria.

A participación nesta convocatoria implica aceptar a realización de fotografías e/ou vídeos pola Deputación da Coruña no certame de entrega dos premios ou no desenvolvemento das actividades complementarias.

As ditas imaxes poderán ser publicadas en:

- A páxina web e perfís en redes sociais da Deputación
- Filmacións destinadas á promoción da actividade
- Publicacións para dar a coñecer a actividade



DEPUTACIÓN PROVINCIAL
A CORUÑA

Servizo de Acción Social, Cultural e Deportes

Expediente: 2025000033950

Convocatoria: 2026 PREM-LK

A lexitimación para o tratamento dos datos persoais baséase no cumprimento dunha misión de interese público.

Os datos poderán ser comunicados ás Administracións públicas para o exercicio das súas competencias e serán conservados de acordo co establecido na normativa de arquivo.

As persoas interesadas poden exercer os dereitos de acceso, rectificación, supresión, oposición, limitación ao tratamento e portabilidade dos datos a través da sede electrónica da Deputación da Coruña ou presencialmente nos lugares e rexistros establecidos na normativa reguladora do procedemento administrativo común. Así mesmo se considera que o tratamento incumpre co establecido no RXPD pode reclamar perante a AEPD.

Poden consultar máis información relacionada coa protección de datos na nosa Política de Privacidade ou dirixindo un correo a delegadodeprotecciondedatos@dacoruna.gal.

Décima.- Aceptación das bases

A participación nesta convocatoria supón a total aceptación destas bases.



DEPUTACIÓN PROVINCIAL
A CORUÑA

Servizo de Acción Social, Cultural e Deportes

Expediente: 2025000033950

Convocatoria: 2026 PREM-LK

ANEXO - EXTRACTO DA CONVOCATORIA

GALEGO

De conformidade co previsto nos artigos 17.3.b) e 20.8.a) da Lei 38/2003, de 17 de novembro, xeral de subvencións, publícase o extracto da convocatoria da 20ª Edición do Premio internacional "Luís Ksado" de creación fotográfica. O texto completo do certame pode consultarse na Base de Datos Nacional de Subvencións.

Primeiro. Beneficiarios

Poderán participar todas as persoas maiores de idade, interesadas no campo da fotografía, que non fosen premiadas con este premio nalgunha edición anterior e que presenten obras non premiadas en ningún outro premio ou certame.

Segundo. Obxecto

Tendo en conta a significación especial que posúe dende hai tempo a nosa provincia na difusión das artes da imaxe e especialmente da fotografía, e coa finalidade de contribuír á conservación da memoria de personaxes tan representativas neste campo como foi Luís Ksado, a Deputación da Coruña convoca o Premio internacional "Luís Ksado" de creación fotográfica do ano 2026.

Terceiro. Bases reguladoras

A presente convocatoria rexerese polas Bases reguladoras publicadas no BOP.

Cuarto. Contía

O importe da consignación ascende a un total de 6.500,00 €, con cargo á partida 0612/3341/481 do Orzamento ordinario para 2026.

Establécese un premio único dotado con 6.500 €, que poderá quedar deserto e ser concedido con carácter ex aequo; neste caso, o seu importe repartirase proporcionalmente entre as persoas que resulten premiadas.

Quinto. Prazo de presentación de solicitudes

O prazo de solicitude iniciarase o día 10 de febreiro de 2026, e finalizará o día 29 de maio de 2026.

Sexto. Outros datos



DEPUTACIÓN PROVINCIAL
A CORUÑA

Servizo de Acción Social, Cultural e Deportes

Expediente: 2025000033950

Convocatoria: 2026 PREM-LK

As obras presentaranse baixo o sistema de plica e serán enviadas á Deputación da Coruña, Avda. Porto da Coruña 2, 15003 A Coruña, indicando no sobre Premio "Luís Ksado" de Creación Fotográfica.

CASTELLANO

De conformidad con lo previsto en los artículos 17.3.b) y 20.8.1a) de la Ley 38/2003, de 17 de noviembre, General de Subvenciones, se publica el extracto de la convocatoria de la 20ª Edición del Premio internacional "Luís Ksado" de creación fotográfica. El texto completo de las Bases del premio puede consultarse en la Base de datos Nacional de Subvenciones

Primero. Beneficiarios

Podrán participar todas las personas mayores de edad, interesadas en el campo de la fotografía, que no fueran premiadas con este premio en alguna edición anterior y que presenten obras no premiadas en ningún otro premio o certamen.

Segundo. Objeto

Teniendo en cuenta la significación especial que posee desde hace tiempo nuestra provincia en la difusión de las artes de la imagen y especialmente de la fotografía, y con la finalidad de contribuir a la conservación de la memoria de personajes tan representativos en este campo como fue Luis Ksado, la Diputación de A Coruña convoca el Premio internacional "Luis Ksado" de creación fotográfica del año 2026.

Tercero. Bases reguladoras

A presente convocatoria rexirase polas Bases reguladoras publicadas no BOP.

Cuarto. Cuantía

El importe de la consignación asciende a un total de 6.500,00 €, con cargo a la partida 0612/3341/481 del Presupuesto ordinario para 2026.

Se establece un premio único dotado con 6.500 €, que podrá quedar desierto y ser concedido con carácter ex aequo. En este caso, su importe se repartirá proporcionalmente entre las personas que resulten premiadas.

Quinto. Plazo de presentación de solicitudes

El plazo de solicitud se iniciará el día 10 de febrero de 2026, y finalizará el 29 de mayo de 2026.



DEPUTACIÓN PROVINCIAL
A CORUÑA

Servizo de Acción Social, Cultural e Deportes

Expediente: 2025000033950

Convocatoria: 2026 PREM-LK

Sexto. Otros datos

Las obras se presentarán bajo el sistema de plica y serán enviadas a la Diputación de A Coruña, Avda. Porto da Coruña 2, 15003 A Coruña, indicando en el sobre Premio "Luís Ksado" de Creación Fotográfica.